

Juli 27, 2019

www.awemainta.com

www.facebook.com/awemainta

noticia@awemainta.com

583-1400



AWEMainta

15
año

Crash Test Dummies Cycling Team cu un bunita gesto pa Fundacion Contra Cancer di Prostaat

DIAHUEBS ultimo na Roadside Café, Crash Test Dummies Cycling Team a haci entrega di un donacion na Fundacion Contra Cancer di Prostaat. Crash Test Dummies Cycling Team ta un grupo di amigo ciclista cu a uni hunto pa un bon causa. Na aña 2014 Crash Test Dummies Cycling Team a wordo funda cu e meta di yuda promove instancianan social den nos comunidad dor di representa e instancianan den e deporte di ciclismo.

Awendia por bisa cu nan tin e honor di por representa Fundacion Contra Cancer di Prostaat.

Fundacion Contra Cancer di Prostaat ta un organisacion cu tey pa concientisa y kibra e miedo cu tin na Aruba pa loke ta Cancer di Prostaat.

Fundacion Contra Cancer di Prostaat ta recomenda tur hende homber den nos comunidad pa haci e test nan di PSA regularmente y busca tratamento pa malesa relata na prostaat y cancer di prostaat.

Nan tey pa un y tur cu kier mas informacion of cu kier papia tocante cancer di prostaat.

Crash Test Dummies Cycling team kier duna un danki special na Caribbean Mercantile Bank y Roadside Café pa nan confiansa y ta contento di por contribui na yuda traha mas material pa concientisa comunidad di Aruba tocante cancer di prostaat.



**INVEST
SECURE**

We don't just say it ... We Guarantee it !!!

ASIS
INTERNATIONAL

Advancing Security Worldwide®

*Your security protection
partner since 1996*

Tel: 582-7252

Everyone deserves a safe place to work,
live and play.

Fundacion 'Bridging the Natural Bridge' a firma un MoU cu AIB Bank N.V.



FECHA 2 di september 2005 ta un fecha cu Aruba semper lo recorda. Riba e dia aki Aruba su Natural Bridge a cay den otro. Noticia di e colapse a atrae hopi local n'e sitio pa mira loke a resta di un atraccion hopi popular riba nos isla.

Aruba su Natural Bridge, (Brug Natural) cu tabata un pida di un cueba antiguo forma di piedra coral, tabata midi 7.6 malto y 30 m largo.

Miles di turista tabata cruza e brug tur aña y keda asombra pa su bunitesa. Pa hopi aña e imagen di Aruba su Natural Bridge a wordo usa pa promove nos isla. Te dia di awe turista y local ta keda bishita e sitio.

Ta for di un tempo caba tin un grupo ta trahando intensivamente hunto tras di cortina pa por realisa un proyecto pa restablece e sitio aki como un atracción adicionalmente na brug natural aki.

E idea p'e proyecto aki a sali di e Comandante di Mariniers Kazerne, Jan ten Hove. E proyecto ta encera construccion di un brug publico nobo y inovativo, cu materialnan duradero cu por wordo instala riba e Natural Bridge derumba actual.

E ta representa un brug entre pasado y presente.

Pa realisa e proyecto a establece un fundacion cu e meta pa crea un atraccion adicional n'e Natural Bridge. E proyecto aki lo contribui n'e desaroyo social economico di nos isla.

Despues di a consulta cu Gobierno riba e importancia di e realisacion di e proyecto aki pa Aruba pa un sostén inicial, e fundacion a aserca AIB pa asisti y sostene e fundacion cu su experticio extenso den maneha proyecto.

Pa por duna inicio formal n'e proyecto aki y pa pusha den dirección di ehecucion, recientemente 21 di juni 2019 e fundacion 'Bridging the Natural Bridge' a firma un Memorandum of Understanding cu AIB Bank N.V. (AIB) pa maneha e ehecucion di e proyecto Natural Bridge.

E brug nobo ta solamente pa peaton y ta bay por carga aproximadamente 500 persona.

Turista y local lo por contempla y admira e bunita brug nobo, e Natural Bridge original y paisahe rond di e Natural Bridge.

Aruba Natural Bridge

Varios departamento di Polis ta muda pa Wayaca



DIABIerna mainta Minister di Husticia mr. Andin Bikker, conhuntamente cu Minister di Desaroyo Teritorial, Infrastructura y Medio Ambiente, sr. Otmar Oduber a reuni cu representantenan di Korpsleiding KPA, Sindicato di Polis, DOW, DIP y SETAR riba mudamento di departamentonan di Polis pa Wayaca.

Cu tur presente n'e reunion a coordina e mudamento cu mester tuma lugar a corto plaso.

Ta trata di Warda di Polis na Wilhelminastraat y otro departamentonan di KPA cu actualmente ta na Frankrijkstraat.

E edificio cu Polis ta bay muda na dje ta central na Wayaca y dilanti Aeropuerto. Segun Minister Andin Bikker, e reunion a bay den bon ambiente y mesora a tuma pasonan concreto pa logra e mudamento mas liher posibel. Di parti DOW nan ta encarga pa traha un caminda di aceso nobo cu ta destina special pa patruyanan di Polis. Tambe lo traha un compleho di cel nobo n'e edificio.

Minister Bikker despues di a tuma nota di Sindicato di Polis (SPA), cu tin hopi keho di parti e personal riba e estado di e edificio den Wilhelminastraat, mesora el a mostra su preocupacion pa yega na un solucion.

Kibra contract cu CITGO ta opcion cu Gobierno ta studia



MANERA e informacionnan cu tabata circula ultimo tempo, a keda confirma dor di Prome Minister Wever Croes. Gobierno hunto cu RDA ta den negociacion cu e compania Citgo pa sali for di e contract mas liher posibel.

Segun e contract firma cu Citgo dor di e Gobierno anterior, pa october 2020 Citgo lo mester a inverti suficiente y rehabilita e refineria p'e por ta operacional.

Prome Minister Evelyn Wever-Croes a duna di conoce cu recien Citgo a admiti di no ta posee e fondo pa cumpli cu esaki cu ta duna Gobierno di Aruba e posibilidad pa dos opcion.

E prome opcion ta pa warda october 2020 yega y yama aden un 'breach of contract' y bay den Corte cu por dura hopi aña. E di dos opcion ta pa evita e perdida di tempo aki den Corte y sinta na mesa cu Citgo y purba yega na un areglo pa sali for di e contract aki p'asina Aruba haya e yabi bek di e refineria. E Minister a bisa cu den e negociacionnan cu ta andando, e enfoka ta poni riba e terminal y riba e refineria. E meta ta pa Aruba sali for di e contract aki sin core algun riesgo financiero.

Pa loke ta trata e preocupacionnan tin pa cu e situacion di e trahadornan di e refineria, e mandatario a enfatisa cu e interes primordial di Gobierno di Aruba ta pa garantisar cu tin trabou p'e trahadonan aki.

Na momento cu Citgo sali afo y refineria cay bek den man di Gobierno, mester trahadornan pa keda traha eyan.

RDA e ora lo percura pa funcionamiento di e terminal na unda cu tin mester di trahador pa traha tanto n'e terminal como tambe pa mantencion di e refineria. Cu esaki, Gobierno ta cumpli cu e prome fase di e plan p'e refineria, segun Wever Croes.

Despues lo cuminsa e di dos fase. Prome Minister a recorda cu el a reuni cu OFAC na Washington na unda a bira conoci cu Citgo no ta sincero cu Aruba, y despues di esey el a anuncia e plan di Gobierno pa cu e refineria cu ta consisti den tres fase.

E di dos fase ta pa busca operadornan cu ta interesa den e refineria y converti e refineria den "un refineria moderno tecnologicamente y cu ta cumpli cu exigencianan di medio ambiente.

Un refineria cu ta trata su trahadornan bon y ta cumpli pa paga nan. Un refineria cu ta cumpli cu su obligacionnan cu Gobierno."

Prome Minister a indica cu Gobierno ya caba tin un lista di 23 grupo cu a expresa nan interes den e refineria. Gobierno ta repasando tur e documentonan aki pa mira si en realidad esakinan ta companianan serio cu di berdad por bira partner den e refineria.

Tambe lo habri opcion pa otro interesadonan tambe haya oportunidad pa expresa nan interes. Y e comision encarga lo propone e mihornan pa presenta na Gobierno.

Den caso cu no tin operador interesa y si realmente un refineria lo no por opera mas na Aruba pa cualkier motibo, e ora lo bay pa fase tres.

Fase tres ta pa sondea posibilidadnan p'e area di refineria cu por genera desaroyo economico y crea cuponan di trabou.

"Aworaki no por duna informacion di cuanto tempo mas e negociacionnan pa fase un lo dura. Apesar cu negociacionnan ta andando bon, nan ta keda negociacionnan hopi complica teniendo tambe un contract cu hopi detaye cu ta haci cu lo tuma tempo prome cu sali for di un contract asina.

Gobierno di Aruba, manera semper, ta tumando su tempo pa sali di e situacion aki bon y mas liher posibel p'asina continua cu fase dos y ohala cu pronto Aruba por mira un refineria moderno cu lo crece nos economia y crea cuponan di trabou", Prome Minister Evelyn Wever-Croes a duna di conoce.

Sunset Grille ta Ranca sali cu "Wine Dinner Series"

HILTON Aruba Caribbean Resort & Casino ta celebrando su di 60 aniversario e luna aki, y a lanza un variedad di evento, destacando e resort su raiznan fuerte den historia y cultura di Aruba.

Apropiadamente Sunset Grille ta preparando un serie di "wine dinners", demostrando e cuminda eleva di e steakhouse aki den colaboracion cu proveedornan di biña di nivel superior.

Cuminsando e serie awe diasabra 27 di juli, un pairing dinner di cuarto (4) plato presenta pa Monrick Croes, conocido experto den biña y hospitalidad y gerente di The Wine Room.

E anochi ta cuminsa 6:30pm cu un recepcion, yamando bishitantenan bon bini cu un cocktail na Mira Solo Lobby Bar. E anochi ta continua na Sunset Grille, Aruba su mihor steakhouse.

Crea pa Chef ehecutivo Matt Boland y e cuerpo culinario di Sunset Grille, e pairing dinner ta expone platonan exclusive di e restuarant cu biñanan selecta pa complementa e sabornan.

E menu ta inclui dos appetizer, un intermezzo, un main course y dessert.

"Nos ta creando un escena pa un menu di 4 plato presentando e steaknan di mihor calidad cu ingredientenan di mas fresco," segun Executive Chef, Matt Boland, "nos ta enfocando riba e sentido coetaneo di Sunset Grille, y cada plato lo ta prepara cu experticio y complementa cu biñanan excelente di The Wine Room," Boland ta conclui.



TICK TOCK
AROUND THE CLOCK

WIN A SHARE OF
\$5,000
IN PROMO CHIPS!

JULY 1ST - JULY 30TH

Earn and get Promo Chips with just 16 hours of play during the month of July at any table game at Wind Creek Crystal or Seaport Casinos.

Play at least 16 hours in July and you can earn up to \$1,000 in Promo Chips. Promo Chips will be awarded on Tuesday, July 16th and 30th from 2pm - 4pm and 9pm - 11pm.

WIND CREEK
CASINOS • ARUBA

Guests can redeem twice during the promotion. See PLAYER SERVICES for details.

Fundacion Lotto pa Deporte a haya rason serca Hues:

Kico t'e 'bigger picture' strategico den e caso aki?



E sentencia su les strategico den e caso aki ta cu prome cu 'ataka' den bida mester analisa bon bon bo 'oponente' na un manera strategico. Gobierno a ataka sin busca informacion, sin papia, sin studia y sigur sin pensa. Gobierno por apela e sentencia aki, pero mirando e forma di argumentacion den e sentencia aki esey casi ta imposibel pa Gobierno por gana den un posibel caso di apelacion.

Gobierno su fundeshi di ataka for di cuminsamento ta robes y esey no por wordo cambia mas. Loke ta hecho no por bira berde mas. Ta di spera si cu e sentencia aki ta un 'eyer opener' pa politica na Aruba.

Di otro banda cada situacion bon of malo den bida tin un beneficio den dije.

FOR RENT

Timeshare – Aruba Beach Club
1 Bedroom Deluxe Suite
Week: 13 – 17 Aug 2019
Price: \$600
Please Call: 594-0909

BO MESTER DI WASTE BUCKET RESIDENCIAL OF COMERCIAL?

ecotech

YAMA

Mr. Bucket

594-3757
 mrbucket@ecotech.aw

20 yrd Big Bucket

15 yrd Junior Bucket

10 yrd Small Bucket

Un experto huridico di taya a comenta cu e sentencia di victoria aki tin si un '*achilles hiel*' (e "third eye") den dije. Riba pagina 17 di e sentencia titula: "De vordering betreffende het ongestoord voortzetten van de werkzaamheden" den paragraf 4.24 por concluci cu:

Basa riba statuto e Ministro di Deporte tin e autoridad, cu no ta uno exclusivo, pa kita miembranan di Hunta di Supervision di Fundacion Lotto pa Deporte, pero solamente basa riba motibonan valido.

Den e sentencia aki por conclui si cu solamente Ministro di Deporte tin e autoridad pa nombra miembranan di e Hunta di Supervision di Lotto. E Hunta no por nombra su mesun miembranan manera t'e caso si na hospital di Aruba (HOH). Tambe cu Ministro di Deporte por haci preguntanan n'e Hunta di Supervision di Fundacion Lotto pa Deporte pa por haci un evaluacion si e miembranan ta haciendo nan trabou manera ley, statuto, reglanan di Corporate Governance y etica ta existi. Cu otro palabra si e miembranan ta capas y competente pa nan tarea.

Hues tampoco no a honra e peticion pa laga e Hunta di Supervision di Fundacion Lotto pa Deporte traha sin ningun clase di "strobamento" dor di Ministro di Deporte. Tambe Hues no a bay di acuerdo pa un dwangsom (multa).

Teniendo na cuenta e tres puntanan clave aki riba e Hunta di Supervision di Fundacion Lotto pa Deporte mester por constesta awor

si tur e preguntanan di Ministro di Deporte, incluyendo esnan di Parlamento di Aruba. Tambe e pensamiento ta cu Lotto mester por coopera cu e investigacion di Algemene Rekenkamer (ARA) of cual kier otro instancia di control di Gobierno p'asina Ministro di Deporte por evalua si e miembranan di e Hunta di Supervision ta capas y competente pa haci nan trabou na un manera corecto y bon.


E pregunta miyionario di 'Mini Mega Plus' ta awor basa riba e situacion actual y informacionnan actual por tin motibonan valido cu e Ministro di Deporte por usa y tuma e decision di nobo pa kita *awor aki* un of mas miembro di e Hunta di Supervision di Fundacion Lotto pa Deporte. Ban wak kico ta bay pasa awor.

No mester lubida si cu apesar cu Lotto no ta haya subsidio for di Gobierno, pero na 2009 Gobierno di Aruba a duna Lotto un fianza cuantioso di Afl. 17 miyon (*sen di pueblo*).

Gobierno tin un obligacion pa vigila y controla loke ta pasando den Fundacion Lotto pa Deporte. Keto bay tin rumornan circulando cu Lotto no por paga e fianza aki bek y tambe cu Lotto no ta cumpliendo cu e condicionnan den e acuerdo di fianza.

Sigur e ultimo palabra no a wordo bisa den tur asunto aki di Fundacion Lotto pa Deporte. Palabra ta awor na Ministro di Deporte Dangui Oduber.

Aplicacion pa Prueba di Naturalisacion



SECCION Examenbureau di Departamento di Enseñansa Aruba ta informa cu e di dos rond di inscripcion p'e Prueba di Naturalisacion (Naturalisatietoets) pa aña 2019 ta habri for di dialuna dia **29 di juli** te cu diabierna dia **16 di augustus 2019**.

Pa aplica p'e Prueba di Naturalisacion mester haci uzo di e formulario di aplicacion cu ta obtenibel riba e website Enseñansa Aruba www.ea.aw.

Hunto cu e formulario di aplicacion mester entrega copia di algun documento. E persona cu ta aplica mes mester procura pa saca e copianan, incluso di e formulario di aplicacion, y entrega tur hunto p'e inscripcion por tuma lugar. Tambe mester trece e documentonan original p'e copianan por wordo verifica.

Riba e website Enseñansa Aruba www.ea.aw por haya un Foyeto di Informacion cu tur informacion necesario.

E Prueba di Naturalisacion ta tuma lugar dos biaha pa aña. E prome rond di inscripcion ta tuma lugar na luna di januari, mientras cu e di dos rond ta tuma lugar na luna di augustus. Prueba di Naturalisacion for di 1 di januari 2011 ta consisti di 1 componente di conocimiento di nos comunidad y estructura estatal, 4 componente di idioma Papiamentu y 4 componente di idioma Hulandes.

Departamento di Enseñansa Aruba pa medio di su Examenbureau ta encarga específicamente cu e prueba y no tin ningun participacion den henter e proceso di naturalisacion.

Pa informacion relaciona cu e Prueba di Naturalisacion por tuma contacto cu Examenbureau, mientras cu pa naturalisacion mester tuma contacto cu Gabinete di Gobernador di Aruba.

Pa mas informacion por acudi na website www.ea.aw y busca **Naturalisatietoets of Prueba di Naturalisacion** den e alfabet menu. Tambe por sigui e desaroyonan atraves di facebook [page@educationaruba](https://www.facebook.com/educationaruba)



Serlimar lo ta habri awe diasabra

Serlimar Sui Generis kier a informa na pueblo di Aruba cu awe 27 di juli 2019 nos ta habri pa nos clientenan. Por registra y haci pago pa tarifa residencial. Por pasa libremente na un di nos sucursalan na Tanki Flip of Pos Chikito for di 8or di mainta te cu 12or di merdia. Tambe nos kier a recorda pueblo di Aruba riba nos campaña paga full aña y ricibi un luna gratis te cu fin di luna di augustus.

Abo como cliente existente of como cliente nobo tin e chens di gana Awg.250 florin cash TUR SIMAN cu Serlimar! Simplemente sigui e stapnan aki;

1. Registra como cliente nobo residencial of controla bo datos di cliente existente
2. Paga bo cuenta di luna Awg.25,-
3. Yena bo tombola ticket y haya chens di gana Awg.250!

Nos kier a gradici pueblo di Aruba p'e sosten pa 30 aña largo cu Serlimar. Haya mas y paga menos cu Serlimar.



HULANDA na mei ultimo a indica cu nan ta dispuesto pa yuda Aruba y Corsou pa atende cu e crisis di Venezuela cu 23.8 miyon euro cu ta alrededor di 55 miyon florin. Un parti di e 55 miyon florin Hulanda lo uza p'e mes yuda y e otro parti, Aruba y Corsou mester a entrega nan lista structural di plan y proyectonan y entrega esaki na Hulanda.

Aruba aworaki ta yegando n'e punto culminante na unda cu Hulanda lo duna e fondonan pa realisa e plan y proyectonan di Gobierno di Aruba den e situacion aki. Y Aruba ta bay haya 12 miyon florin.

Prome Minister Evelyn Wever-Croes: **Aruba ta haya 12 di 55 miyon florin poni disponibel pa atende cu e crisis di Venezuela**

Prome Minister Evelyn Wever-Croes a indica cu Aruba lo ricibi alrededor di 12 miyon florin pa yuda den e crisis di Venezuela. E 12 miyon florin aki ta bay pa fortifica Aruba como pais den haci Aruba mas sigur p'asina atende cu e crisis mihor posibel.

E ta pa yuda Aruba pa controla nos fronteranan mihor p'asina nos percursa pa domina e crisis cu nos tin internamente.

Control riba lama y tera lo bira mas estricto p'asina evita importacion ilegal di substancianan, arma como tambe di persona.

E tema di menshandel y mensensmokkel ta un problema serio cu ta tumando lugar demasiado hopi den nos region.

Tambe e placa aki lo amplia e capacidad di detencion na unda esnan ilegal por keda, mientras nan ta warda e fecha prome cu nan wordo manda bek nan pais. Esaki den e tempo aki ta hopi importante y necesario mirando e fluho di ilegalidad na Aruba a aumenta.

Ampliacion di e capacidad di detencion lo trece mas tranquilidad.

Parti di e fondo aki lo wordo uza tambe pa enseñansa. E crisis den enseñansa como e crisis di Venezuela riba tereno social tambe por haya mas atencion.

Ta bon pa remarca si, cu e placa aki lo no ta disponibel pa crea vivienda y otro cosnan asina p'e personanan cu ta bin haci peticion di asilo.

E placa aki ta bay pa fortifica Aruba como pais den haci Aruba mas sigur p'asina atende cu e crisis mihor posibel.

“Mi ta hopi contento y satisfecho cu nos ta yegando n'e punto unda cu Aruba por haya e fondo aki. Hopi t'esnan den departamentonan di Gobierno cu a traha hopi duro pa awe nos a yega asina leu. Apesar cu esaki no ta tur loke nos tin mester pa atende cu e crisis, nos ta gradici Hulanda pa e fondo aki. E ta un bunita gesto di parti di Hulanda.

E 12 miyon florin aki ta hopi necesario. Combina cu e helicopter, cu e radar cu pronto lo bin, Gabinete Wever-Croes lo percursa pa haci Aruba mas sigur den tur circunstancia, cu of sin crisis di Venezuela.

Nos compromiso ta un Aruba mas sigur pa cada ciudadano”, Prome Minister Evelyn Wever-Croes a duna di conoce.



**TIMESHARE
FOR SALE BY OWNER**



**UNIT # 304 – WEEK 32
1 BEDROOM DELUXE SUITE
SLEEPS 5 PEOPLE**

- 2 X QUEEN BEDS
(1 IN BEDROOM & 1 PULLOUT BED IN LIVING ROOM)
- KITCHENETTE
- 3RD FLOOR
(BALCONY VIEW OVERLOOKING THE RESORT)

PRICE: \$5,500

**INTERESTED PLEASE CALL 583-1400
DURING OFFICE HOURS**

Pa yuda corta gasto

Minister Rudy Lampe a informa fundacionnan den un carta cu no ta paga overtime mas

Minister Armando Rudy Lampe a anuncia ayera cu como cu mester hala faha mara, pasobra Gobierno di Reino y CAFT ta riba nan lomba, a dicidi di manda un carta pa tur departamento cu ta cay bao di su Ministerio.

Ta trata aki di un carta manda pa tur directiva di skolnan publico, Dienst Inspectie van het Onderwijs y Directie Onderwijs.

Den e carta e mandatario ta bisa cu e ta pidi nan atencion pa un tema specifico cu tin di haber cu finanza.

Gobierno di Reino y CAFT a confronta Aruba un biaha mas cu e realidad di e disciplina presupuestario. Pa tal motibo e ta bay optimalisa e maneho di subsidio.

“Esaki no por tuma lugar sin e participacion di e directiva- nan di skol, Dienst Publieke Scholen, Directie Onderwijs y Dienst Inspectie Onderwijs”. E ta splica cu e intencion ta pa hinca e maneho nobo di subsidio den un handboek.

“Adelantando esaki y mirando e limitacionnan presupues- tario di pais Aruba ta y gran urgencia pa tuma medidanan for di awor caba pa controla e gastonan di personal y subsi- dio pa personal.”

P’e motibo Minister Rudy Lampe a informa di algun medida cu e ta introduci inmediatamente. E ta corda cu e cantidad di docentenan ta wordo subsidia pa klasnan di 28 mucha den enseñansa regular y avanza, y klasnan di 24 mucha den kleuter regular.

Oranan apart, cu docente cu no ta fulltime, por ta maximal- mente 1/8 parti di uno di tempo completo.

Overtime no ta permiti mas ni pa docente ni personal di apoyo. Esaki mester pone un paro na dje di inmediato. Overtime no ta presupuesta y por lo tanto ta aparece como gasto di mas riba presupuesto di pais Aruba. Y gasto di mas no ta permiti.

Tambe dlanan di vakantie cu no a wordo tuma pa motibo cu tabata malo, tambe ta pone un stop na dje. Na final e ta pidi cooperacion di tur instancia concerni pa cumpli cu e decision aki.



De Minister van Ruimtelijke Ontwikkeling, Infrastructuur en Milieu is voornemens een openbare verkoop te houden op 2 augustus 2019.

TA BENDE:

- Na DOW RWZI Zeewijk: Bulldozer (Cat D-6), skidsteerloader (John Deere), truck (Chevrolet, Volvo, Elgin y International), Straatveger (Ravo), Handwalls, Lowboy, Kleine sedan (Getz) y jeep;
- Na DOW Z.B. Tarabana: “Straat lantaarn”, “beschadigd verkeersborden”, oude kerstversiering”, “Lichtmast” en “vetafscheider”.
- Na DOW Sabana Blanco: “Straat lantaarn”, sedan (Kia).
- Na KPA Balashi: KPA Balashi: SUV (Santa Fe), Trucks (Chevrolet, Ford) Pick/up motorfiets (Harley Davidson).
- Douane Barcadera: “Mobile cargo Scanner” (Truck Mercedes Benz y unit Heinmann HCV).

CONDICION:

- Benta manera nan ta “As is where is”.

DIA DI OBSERVACION :

- Diamars 30 juli 2019 di 8’or di mainta pa 3’or di atardi
- Dierazoon 31 juli 2019 di 8’or di mainta pa 3’or di atardi.
- Diahuebs 1 augustus 2019 di 8’or di mainta pa 3’or di atardi
- Diabierna 2 augustus di 8’or te cu 10’or di mainta.

OFERTA:

- Riba formulario cu ta obtenibel na DOW Sabana Blanco 68, DOW RWZI Zeewijk, DOW ZB Tarabana y KPA Balashi. Riba e formulario pa haci oferta tin e condicionan di benta menciona.
- Mester deposita e formulario no mas tarda cu 2 augustus 2019 pa 11’or di mainta na DOW (Infra gebouw) Sabana Blanco 68 den e buson cu ta destina pa esaki.

PARTICULARIDAD:

- E formulario mester wordo jena cu informacion correcto

Seguridad di nos muchanan ta importante durante vakantie

DOS siman pasa nos a papia tocante seguridad di nos muchanan durante temporada di vakantie y awe nos kier brinda boso cu un poco mas informacion y tips.

Vakantie ta un temporada dushi pa relaha y haci actividadnan leuk. Ora nos ta pensa riba proteccion di nos muchanan durante vakantie, mayoria biaha nos ta pensa riba proteccion solar, come saludabel y hidratacion. Poco biaha nos ta pensa riba proteccion contra abuso (sexual). Abo tabata cu nos muchanan por bira mas vulnerabel durante temporada di vakantie pa abuso y negligencia?

SKOL TA CERA

Pa mas o menos 6 siman skol lo ta cera. E mucha lo no wak su maestra/o pa un tempo largo, cual ta un persona importante, na momento di señala comportacion cu no ta usual p'e mucha. Si un persona ta sospecha cu un mucha ta wordo abusa of negligencia, e mester yama Bureau Sostenemi na 588-1010 pa pidi conseho tocante e pasonan cu mester wordo tuma pa yuda e mucha. Corda cu e seguridad di nos muchanan ta un responsabilidad di cada adulto, nos no por bira cara.

MUCHANAN TA KEDA DIFERENTE CAMINDA

Temporada di vakantie por pone presion pa mayornan of adultonan cu tin mucha den nan cuido. Como cu skol ta cera, esaki por trece stress pa mayornan, pa busca cuido (op-pas) pa nan yiuunan. E ta varia pa cada mucha cerca ken nan lo keda durante vakantie.

Tin mucha lo keda cu wela/o, tanta of omo. Muchanan lo haci actividadnan afo, e.o. campamento of lo bay hunga na cas di amig of amiga.

E mucha lo pasa tempo cu otro mucha y adulto cu e no conoce. Durante vakantie, supervision y/of e falta di esaki ta keda un factor di riesgo pa abuso (sexual).

KICO NOS MESTER HACI?

Papia cu nos mucha y hobennan na un manera habri y honesto. Adulto, especialmente mayor of personanan cu ta cuida muchanan, ta fungi como un *role model* y e prome fuente di informacion

pa un mucha.

P'esey ta importante pa duna nos muchanan informacion corecto.

Papia tocante nan culpa y siña nan e nomber corecto di nan parti intimo: nunu (vagina) y pilinchi (penis)

Siña nos muchanan cu tin limite. Niun hende mag di mishi na nan parti intimo! Nan nunu of pilinchi, incluyendo anus y pecho ta di nan so. Ful nan culpa ta di nan so!

Bisa e mucha ken e por yama na momento cu e ta sinti insegur. Esaki sigur ta un tip valioso pa mayornan cu ta traha y no por yega den corto tempo cerca e mucha.

Puntra e mucha ken ta su adultonan di confiansa. Palabra cu e mucha cu den caso di emergencia e lo yama of bay cerca un adulto di confiansa, sea un tanta, omo, welo/a, amigo/a of un bisiña cu e ta confia.

E persona di confiansa aki mester ta den becindario di e mucha, sea den e mesun barrio of caya. Corda haci palabracionnan simpel cu e mucha, nada complica pa demotiva e mucha pa busca ayudo durante un emergencia.

Si bo yiu ta bay bishita un camp durante vakantie: puntra kico t'e reglanan ora un mucha mester bay baño, cambia paña, drumi, pauze, sacamento di potret etc. Tin ora kier comparti kico e muchanan ta haci durante e camp, pero semper mester tene e privacidad di e mucha na cuenta.

Si ta bay saca potret di un mucha cu badpak of badbroek, corda cu e mucha no tin e edad, ni capacidad cognitivo pa duna consentimiento pa saca potretnan asina.

Respet ta cuminsa di chikito caba, y saca potret di un mucha semi sunu ta un falta di respet!

E ta bon pa puntra tambe, si e organisadornan di e camp ta exige un papel di buena conducta (formulario di V.O.G.) for di e lidernan di camp.

Puntra tocante supervision: cuanto lider pa cada cantidad di mucha y con e muchanan lo wordo supervisada durante actividadnan di camp.

Si e mucha mester keda cu famia of amistad: stipula reglanan di seguridad



promete. Aplica un *safeword*, esaki lo t'e mucha su manera pa vocifera cu e mester di bo proteccion.

Palabra un ora cu bo lo yam'e pa segura cu tur cos ta "okay" cu e mucha. E mucha so mag di sa ki ora bo lo yama, e persona cu ta keda encarga cu e mucha no mester sa esaki.

E *safeword* por wordo bon uza durante un fiesta di mucha of actividad familiar. Uzando e palabra di seguridad e mucha lo por vocifera cu algo no ta sinti bon, cu e ta sinti incomodo of insegur. E ta keda na e adulto di confiansa cu ken e mucha a palabra e *safeword* aki pa brinda proteccion y apoyo emocional. Siña nos muchanan pa no keda nan so, den un espacio cera, cu un otro mucha (di edad mas grandi of cu ta fisicamente mas grandi) of otro adulto.

Esaki ta baha e risico di abuso sexual, como cu un abusador lo no haci actonan sexual cu un menor den presencia di otro hende.

SUPERVISION TA ESENCIAL

Laga un mucha sin supervision ta un forma di negligencia. Nos no por garantiza e seguridad di un mucha si e keda su so, sin supervision di un adulto di confiansa. Muchanan, especialmente si nan ta bou di 12 aña, mester keda semper cu un adulto di confiansa.

Esaki nan ta algun tips chikito cu por haci un diferencia grandi na momento cu ta trata di seguridad di nos muchanan.

Cu ayudo di Aruba Convention Bureau:

Marklogic Corporation a haci donacion na Imelda Hof

RECIENTEMENTE, Aruba Convention Bureau den colaboracion cu Santa Rosa y ECO DMS, a asisti e Corporacion Marklogic cu un bunita donacion pa Imelda Hof. E donacion aki ta consisti di un plantacion di 3 mata di fruta y alabes a instala un banki pa sinta den cura.

KICO TA MARKLOGIC CORPORATION?

Marklogic Corporation a wordo funda na aña 2001 dor di Christopher Lindblad. Esaki ta un empresa Mericano di software cu ta para pa desaroya y proporciona un base di dato.

E compania su oficina principal ta situa na San Carlos, California y nan tin oficina na Europa, Asia y Australia.

Na aña 2016 'Forrester Research' a nombra Marklogic un di e 9 proveedornan cu ta lidera den e mercado di 'database' y e compania ta wordo mira como un 'Visionary' den e mercado di 'database'.

LOGRO

E aña aki Marklogic Corporation a bin Aruba specialmente pa celebra nan 'President's Club', cu ta pa reconoce nan mihor empleadonan. Ademas di haci e donacion pa Imelda Hof, e compania tin como meta pa duna bek den comunidad rond mundo.

Pues, mirando cu nan ceremonia a tuma lugar na Aruba, tur e participantenan di Marklogic Corporation a colecta articulonan di scol y a entrega esaki na Jurica Tjon di The Helping Hand Foundation, un organisacion local cu ta para pa muchanan di menos recurso.

Ademas, durante nan estadia, e participantenan a disfruta di diferente actividad como tambe e gastronomia cu nos isla ta ofrece.

Di parti Aruba Convention Bureau, esaki ta un honor pa celebra nan logro na nos pais y alabes dunando bek na nos comunidad. Gradicimento ta bay na Nathalie Maduro y Jennifer Gamez di Santa Rosa, Natalia Hernandez di Imelda Hof, Jose Henriquez di ECO DMS, y Jurica Tjon di The Helping Hand Foundation.



Finalmente, nos ta gradici Andie Putnam di Marklogic Corporation pa scoge Aruba como destinacion pa celebra nan logro.

Parlamentario Edgard Vrolijk (MEP):

“Indexering lo haci e situacion mas dificil ainda pa yega na norma stipula pa 2019”



“**TIN** un par di siman caba cu mi por a ripara cu partido AVP y su lider Mike Eman hunto cu Parlamentarionan Mike de Meza, Richard Arends y Mervin Wyatt-Ras ta den desesperacion un biaha mas. Henter aña, p.e., Mike de Meza nos no a wak na pia di trabao y por conta e dianan cu el a atende reunionnan publico, awor ta bin dilanti y trece mentiranan en cuanto CITGO.

Mike de Meza mes t’e causante hunto cu Richard Arends di un acuerdo cu Venezuela y un contract cu ta completamente contra bienestar di pais Aruba, unda pa culpa di e movecion aki a proyecta millones di florin den presupuesto cu pais Aruba mester a haya, a crea un buraco financiero mas grandi ainda hunto cu locual Mike Eman a percura p’e gaba anto cu hopi orguyo.

Gobierno actual ta trahando cu alma y curpa y ta luchando contra Hulanda y tambe ta luchando pa stabilisa nos finansa cu Mike Eman cu hopi orguyo a laga na

93% di nos GDP y pa 2019 cu hopi esfuerso y sacrificio di Gobierno y pueblo lo yega na 25 miyon di deficit.

E otro reto ta di yega pa 2020 na un surplus di 25 miyon florin cu bao di Gabinete Mike Eman 2 mester a yega caba na 2017, pero nos a haya nos cu un deficit di 137 miyon florin”, según Edgard Vrolijk, Parlamentario di MEP.

PREOCUPACION GRANDI

Un articulo den e matutino AWEMainta di 25 di juli 2019 a comparti algun recomendacion cu nan a haya di algun experto y nos tur na Aruba sa di cual skina y di cual partido e expertonan aki ta bin. Y esaki na un tono cu ta expresa su mes hopi contra partido MEP y unda cu ta papia di cu 90% di esnan den aparato gubernamental ta hendenan liga na MEP, pero sin bin niun rato cu estadistica creibel y solamente kier purba hustifica algo pakico Minister President Evelyn Wever Croes y Minister di Finansa Xiomara Ruiz Maduro ta para duro pa no kita ningun hende di trabao, pero ta buscando alternativa pa por reduci e gastonan di personal manera entre otro duna VUT regeling, pensionadonan cu baha no lo ricibi ningun prolongacion a base di un contract.

Y sigur como cu den e convenio di gobernacion tin poni e ser humano ta central, ta na su lugar tambe pa nan lucha pa no crea desempleo cu lo nifica mas problema familiar y social riba e pais aki.

E matutino aki a duna como solucion pa kita e 3 toelagennan di ambtenaarnan cu lo yuda reduci gastonan di personal cu 21 miyon florin, pero locual nan a lubida di bisa ta cu e reduccion aki no solamente lo conta pa ambtenaarnan pero tambe p’esnan cu nos conoce como gelijkgesteld als ambtenaar manera e maestronan y otro personanan trahando den fundacionnan subsidia dor di Gobierno, Edgard Vrolijk a sigui comenta.

E 3 toelagennan cu a ser menciona pa kita ta Voorjaarspremie, Bashi premie, Augustuspremie cu lo nifica cu e ambtenaar lo bay atras cu minimo 4500 florin pa aña. Hecho ta cu hopi di esnan cu menos entrada den Gobierno of fundacion ta usa e Augustuspremie pa por paga schoolgeld of caba di cumpra material pa nan yiunan por bay skol.

PREGUNTANAN NA SINDICATO Y AMBTENAARNAN

Edgard Vrolijk su pregunta cu e ta lansa ta bay na tur ambtenaar y tambe esnan gelijkgesteld als ambtenaar y nan sindicatonan, si nan ta di acuerdo cu e articulo aki cu mester kita e toelagennan ariba menciona?

Di dos pregunta: Sindicatonan ta den un lucha pa indexering cu desde 2014 no a ser duna mas, ki escogencia lo ser haci den bista di e conseho di e matutino, si lo scoge pa laga e toelagennan cay y para pa indexering?

Preguntanan interesante, pasobra Gobierno di Aruba nunca a papia mes di kita ningun toelage. E unico cu nan a pidi ta tempo pa wak con e situacion financiero di e pais aki lo cana p’asina por busca e manera di por duna un indexering. Pero den bista di e articulo aki di AWEMainta, cu a sali ta bira interesante si pa para keto n’e palabra cu e expertonan (y nos sa nan color politico) cu ta para cu no mester kita niun hende y Edgard Vrolijk ta bisa cu e tambe ta para firme p’esaki y si nan ta 90% mes AVP, no ta interes’e.

Ta tata y mama di famianan ta y cu mag di tin nan opinion politico sin ningun discriminacion y cu ta contribui na caha di Aruba. Pero peligroso si t’e conseho di e expertonan aki cu nunca a para pa desconsheha e Gobierno anterior di malgasta placa y no endeuda e pais aki, pero a laga tur cos bay fo’i control y awor kier bin masacra e homber y muhernan den sector publico.

<Sigui na pagina 13>

<Continua di pagina 12>

WAKE UP CALL

E articulo pa Edgard Vrolijk sigur ta un bon wake up call pa djis sinti kico lo por t'e consecuenan pa sector publico (y no solamente pa sector publico, pero tambe pa sector priva ora kita nan poder di compra) si no logra e norma di 479 miyon di gasto di personal, unda cu Hulanda kier hinca e fondo di e Crisis Social Plan bou di esaki y cu automaticamente ta sigui aumenta e gastonan di personal tur aña debi na bevordering, personal cu ta drenta manera docentenan y Polis. Banda di esaki cu indexering lo haci e situacion mas dificil ainda pa yega n'e norma stipula pa 2019 y cu esaki lo por ta un motibo cu Hulanda lo usa pa drenta y maneha nos pais, y cu ayudo di AVP cu t'esun cu ta den gang na Hulanda ta hiba redo y instiga contra e Gobierno (AVP conoci como bendedornan di patria) y unabes cu Hulanda drenta ya abo ta avisa kico lo pasa.

Hulanda no lo kita hende, pero si lo percura pa baha gastonan y den esaki si nan lo corta tur toelage sin ningun remordimento y tur esaki tin un solo culpabel cu ta Mike Eman y AVP. Ta Mike y AVP a endeuda e pais aki irresponsablemente hunto cu entre otro Richard Arends cu awe kier play santo, pero cu a crea fondo bao di nanishi di pueblo cu awe si kita e toelagennan mes e no ta importa, pasobra ta pueblo mes a pone como Parlamentario y ta pueblo mes a yega di pone como coordinador y despues como Minister cu a crea suficiente fondo (riba 3 miyon florin) cu awe e por biba un bida di luho, mientras awor nan kier kita bo toelagennan sin compasion.

Pa termina Edgard Vrolijk ta pidi pueblo - sin wak color politico y den bienestar general di e pais aki - pa laga nos tur hunto sinta cu cabes frieu sin emocion partidista pa por logra lo mihor pa Aruba den un momento dificil y cu hopi presion riba finanza di pais Aruba. Y como bon Arubiano y cu semper a saca e pais aki dilanti e tin sigur cu hunto nos lo logra tambe pone e pais aki un biaha mas riba su pianan, apesar di tur e mal vibesnan cu tin actual contra nos dushi isla y su ciudadanonan.

Guardacosta a intercepta boto cu prikichi



WILLEMSTAD - Diahuebs anochi, 25 di juli alrededor di 23:55 e avion Dash 8 di Guardacosta tabata riba un patruya ora el a señalá un contacto sin luz cu tabata move den direccion di Klein Còrsou.

Mesora e tripulacion di e Dash a notificá e Centro di Rescate (RCC) di Guardacosta.

E Centro di Rescate na su turno a pasa e informacion aki p'e barco di Marina Real, cu ta nabegá aworaki pa Guardacosta, y pa e barco Jaguar di Guardacosta.

Tur dos barco tabata patruyá den awa di Corsou na mesun momento. Tambe a notificá e Punto di Sosten Còrsou cu a lansa nan Metal Shark I-02 pa bay interceptá e boto.

A interceptá e boto alrededor di 02:45 ora na 7 miya sur di Klein Còrsou. Durante e interceptacion a los un tiro di advertencia. A resultá di ta un boto tipo Eduardoño cu 4 persona abordo y un prikischi.

A trece e boto n'e pier di Guardacosta y e 4 personanan a wordo entregá na Polis. A yama Servicio Veterinario pa bin busca e prikichinan.

Aruba Karate Bond a participa n'e karate camp na Corsou



RECIENTEMENTE e seleccion di Aruba Karate Bond hunto cu algun karateka miembro tabatin e honor di participa na un tremendo karate-camp di Curaçao Karate Bond (CuKarBo).

Ta referi aki n'e atletanan di seleccion Janilaine Bello, Alejandro Gonzalez Lujan y Juan David Velasquez, kendenan a wordo acompaña pa Cristopher Garcia Velez (Dojo Gyoseki Kan), Janrick Bello (Shotokai Dojo Shocokan) y Alakina Gonzalez Lujan (Shotokai Dojo Shocokan).

E grupo di Aruba a topa e karatekanan di Corsou n'e tereno di campamento Brakkeput Ariba. E campamento mes tabata uno masha great cu un programa bastante varia.

E enfoke primordial tabata e tecnicanan di 'kumite' (bringamento), pero a pone hopi atencion tambe n'e enseñanza di e reglanan di World Karate Federation y nutricion pa atletanan di halto rendimiento.

Meta di e campamento tabata pa Aruba comparti, conoce y haya mas experiencia pa medio di 'fogeo'. Segun e headcoach di Aruba Karate Bond, esta 'sensei' Alberto Gonzalez, e karate-camp aki tabata un experiencia hopi educativo. No solamente a aplica un programa yen di diferente tecnica di pelea, pero a percura tambe p'e participantenan siña liderazgo y trahamento den grupo.

Aruba Karate Bond bou presidencia di 'sensei' Feliz Tromp ta contento cu e participacion di e seleccion. Ta gradici Curaçao Karate Bond p'e invitacion y tremendo programa, specialmente 'sensei' William Millerson y 'sensei' Ivonne Leito Senff, kendenan constantemente tabata pendiente di tur loke Aruba tabatin mester.

Un danki special ta bay tambe p'e apoyo di Stichting Sportsubsidie Aruba, Lotto pa Deporte, Comité Olímpico Aruba y tur e mayornan di e karatekanan. Pabien cu boso participacion.

Jair Thompson di Royal Power ta lansa un “No hit no run” ponchando 12 pa blankea Macuarima Spark Elektra

CAMPEONATO HEINEKEN fast pitch di Aruba Softball Bond dedica na dos baluarte Jacobo Jansen y Gilbert “Nando” Maduro a continua riba canchanan na Pos Chiquito. Royal Power Tat Fat Home Depot kende a clasifica 16-0 na promer lugar a inicia su serie di best out of 3 contra Macuarima Spark Elektra kendenan a termina campeonato na di dos lugar cu 9 victoria y 7 derota. Jair Thompson por mira atras riba su mihor performance di aña cu un tremendo dominio y control propinando 12 ponche pa asina seya e victoria riba si number. Jair a bay completo enfrentando 16 bateador tirando 27 bola, 45 strike pa un total di 72 lansamento no ta permiti careda tampoko hit y ta regala solamente 1 base por bola. Aaron Dominguez, Jermain Ras, Wilmer Geerman, Joshue Leañez, Revelino Silie y Zefrinthian Kerr tur a bay cas cu un ponche mientras Michael Fingal, Edgar Flanegin y Javier Croes tabata victima di 2 ponche cada un. Juan Chirino a enfrenta 23 bateador y ta lansa 70 pitch permitiendone 7 careda, 8 hit ponchando solamente un bateador y ta regala 5 base por bola y ta bay cas cu e derota. Royal Power 7 careda, 8 hit, 0 error y ta laga 4 coreador na base. Macuarima 0 careda, 0 hit, 0 error y ta laga 1 coreador den circulacion. Bateadornan cu a destaca pa Royal Power ta Edmar “Macho” Tromp y Jomark Flanegin ambos di 2-2, Guyon Cannister 2-1 cu 2 rbi, Giandrick Lacle 2-2 cu 4 careda impuha. Weganan di Play Off ta con-



tinua dialuna, diamars y diaranson awor na veldnan na Pos Chiquito.

Bin apoya Bo ekipo preferi. Softball AA den su recta final.

Bolicheronan Kamilah Dammers-Naddall y Thashaina Seraus para na di 4 lugar

riba e prome dia di competencia den Weganan Panamericano Lima 2019

ATARDI den e Bowling Center na Lima, Peru e weganan di bowling femenino a sigui unda nos dos bolicheronan elite Kamilah y Thashaina a inicia nan competencia den Weganan Panamericano. Mester bisa cu un total di 16 pais ta competi den e deporte di bowling unda Aruba riba e prome dia a keda na di 4 lugar faltando e diasabra di final.

Tanto Thashaina como Kamilah a inicia bon n'e competencia tirando net riba 200 pin. Den e weganan siguiente tabata falta e consistencia principalmente serca Kamilah, pero despues ambos atleta ta recupera bon tirando riba 220 pin den e ultimo weganan hunga. Mester bisa cu Kamilah Dammers-Naddall a tira pa 209, 186, 187, 233, 192 y 197 pa total di 1204 cu un averahe di 200.7

Di otro banda Thashaina Seraus a tira pa 224, 189, 209, 227, 153 y 239 pa un total di 1241 cu un averahe di 206.8. Esaki ta haci cu Aruba awor tin 2245 punto bon pa un di 4 lugar.

Awe diasabra lo tin e buelta final unda cu Thashaina y Kamilah lo purba na yega entre e prome tres paisnan riba e tablero final. Exito na ambos bolichero den e Panam Games Lima 2019.



Duo masculino di bowling,

Jonathan Bremo y Yannick Roos a termina na di 15 lugar riba prome dia di competencia



E prome atletanan di Aruba a mira accion ayera na Lima, Peru unda nos bolicheronan masculino Jonathan Bremo y Yannick Roos t'e promenan cu a hunga. Mester bisa cu Jonathan y Yannick a termina na un di 15 lugar riba e prome dia. Pa loke t'e wega, Yannick Roos a tira 4 di e 6 weganan hunga riba 200 cual sigur ta un bon prestacion. Solamente e wega 6 no tabata uno fuerte.

Pa loke ta Jonathan Bremo su wega esaki no a bay manera desea unda un wega a bay sublime tirando un 265. Mester bisa cu Jonathan a sinti su hamstrings y esaki a afecta su wega.

Jonathan Bremo a tira 190, 180, 265, 142, 167 y 149 – puntuacion 1093 pa un averahe di 182.2, mientras Yannick Roos a tira 205, 221, 204, 225, 195 y 140 – puntuacion 1190 pa un averahe di 198.3. Total puntuacion di Aruba tabata 2283.

E pais di Puerto Rico ta lidera e prome dia cu dia 2919 punto sigui pa USA y Mexico. Awe diasabra e weganan ta sigui cu e finalnan den doubles.

Embahador Hulandes, Wiebe de Boer a ricibi delegacion di Aruba na su residencia na Lima, Peru

DIARANSON anochi, na residencia di Embahada Hulandes na Lima, Peru, Embahador sr. Wiebe de Boer den presencia di sucesor Arjen Kool a ricibi e delegacion participando n'e Weganan Panamericano Lima 2019.

Den su speech cortico, sr. de Boer a expresa di ta masha contento cu e por a ricibi e delegacion di Aruba na su cas, algo sigur hopi special mirando e lasonan di Reino.

Na mes momento su persona a desea nos delegacion hopi exito y cu ohala nos por logra triunfa cu un medaya pa Aruba.

Presidente di COA, sr. Roy Mezas tambe a dirigi su mes n'esnan presente unda el a gradici Embahador de Boer p'e caluroso recepcion na su residencia na Lima, Peru.

E delegacion ta sinti nan mes sigur honra den un momento asina special. Nos atletanan lo hacinan maximo esfuerzo pa representa Reino den forma digno n'e Weganan Panamericano aki na Lima, Peru

Por ultimo, Secretario General di COA, sra. Nicole Hoevertsz a haci entrega di algun regalito di Aruba Aloe na Embahador de Boer, sra. Judith de Ruiter y Gerwin Woudt. Tambe sra. Hoevertsz a duna un splicacion cortico riba e desaroyo di e Weganan Panamericano LIMA 2019 y con espectacular e Ceremonia di Apertura lo bay ta diabierna.



Delegacion di Aruba a recibi un caluroso bon-bini n'e Weganan Pan Americano Lima 2019



UN caluroso bon bini n'e Weganan Pan Americano Lima 2019, e delegacion di Aruba a recibi durante e Team Welcome Ceremony.

Tabata diaranzon mainta, e delegacion Arubano participando n'e Weganan Panamericano 2019 a keda oficialmente yama bon bini den e Villa Panamericano cu e tradicional ceremonia di bandera.

E ciudad anfitrión Lima y su hendenan a ricibi y yama bon bini na henter nos delegacion di atleta, coach y dirigenenan. Presente tambe nos por a mira Presidente di COA, sr. Roy Mezas, tesorero sr. Edwin Roos y Secretaria General di COA, miembro ehecutivo na Panam Sports y Comité Olímpico Internacional, sra. Nicole Hoevertsz. N'e bunita mainta aki a toca e honor n'e delegacionnan di Aruba, Argentina, Guyana y British Virgen Islands pa presencia e bunita ceremonia di bandera cu a ser prepara p'e organisadornan.



Aruba tabata e di dos pais cu a wordo yama unda nos atletanan di bowling, tiro y taekwondo mas algun miembro di delegacion a marcha den e desfile cortico.

Un grupo hoben di Lima, cu a demostra un baile nativo di Peru a habri e bunita mainta, mientras e bandera di Aruba tabata e di dos cu a wordo hisa acompaña pa nos tono glorioso Aruba Dushi Tera.

A toca honor n'e Hefe di Mision di Aruba, sr. Kenneth Vrolijk pa entrega un obsekio di Aruba como recuerdo n'e Alcalde di e Villa Panamericano.



Jay's Tire ta inicia Playoff cu un victoria riba Celebrities

CAMPEONATO HEINEKEN fast pitch di Aruba Softball Bond dedica na dos baluarte Jacobo Jansen y Gilbert "Nando" Maduro a continua riba canchanan na Pos Chiquito. E cuater ekiponan cu a clasifica a inicia cu un page system playoff. Jay's Tire a clasifica number 3 a enfrenta Celebrities kendenan a clasifica number 4 den un serie di best out of 3. Den e promer wega di e serie Jay's Tire a planta un simia di respet ganando Celebrities mediante knock out. Albertico Noguera kende a start pa Celebrities a logra saka solamente 1 out permitiendo 13 careda den bom di promer inning cual a duna direcion di e wega. Boxscore final Jay's Tire 20 careda, 12 hit, 2 error y ta laga 6 coreador na base. Celebrities 5 careda, 6 hit, 3 error y ta laga 3 coreador den circulacion. Mihor bateadornan



pa Jay's Tire ta Jason Orman 2-2 cu un doblete, Sando Geerman 4-2 cu un doblete y un triple mas 5 rbi, Djurwin Croes 2-2, Artoir Herrera 2-1, Josmar Thiel 2-2 cu 3 careda

impuha, Egimar Lampe 3-2 incluyendo un triple mas 2 rbi. Pa Celebrities a destaca na bate Ruwin Tromp 2-2 cu 2 doblete, Karel Arendsz 2-1 cu 1 doblete, Gregory Manuel Jr 1-1 y Jowald Croes 2-2. Erick Henriquez ta back in town y ta seya e victoria riba su nomber enrfentando 17 bateador tirando 17 bola, 34 strike bon pa 51 lansamento. Erick a permiti 5 carteda di cual 2 ta limpi tras di 6 hit, no ta regala base por bola y ta propina 2 strike out na bateadornan di Celebrities. Albertico Noguera ta resulta pitcher perdedor permitiendo 8 careda, 4 hit y 4 base por bola. Jose Gomez ta drenta releva y ta permiti 12 careda, 8 hit y ta regala 6 base por bola. Asina Jay's Tire ta pika ariba den e serie di 3 wega 1-0. Play Off ta continua dialuna, diamars y diaranson awor riba veldnan na Pos Chiquito.



Na Plaza Daniel Leo ta tuma luga dia 27 di Juli 2019


Evento final di Aruba Bank Good4theNeighborhood Building Entrepreneurs 3

E participantenan di Good4theNeighborhood Building Entrepreneurs a completa tur e 3 simannan di workshop y les y diasabra ta e evento final di e proyecto. Durante transcurso di e tres ultimo simannan nan a enfoca pa completa e proyecto y traha riba cada rekisito pa asina nan por presenta nan producto final na e comunidad di Aruba.

Participantenan a haya varios presentacion di comerciantenan den nos comunidad cu a comparti nan experiencia y conocimiento cu nan. Mary-Phil Marugg di Exotic Rentals a presenta e Elevator Pitch. Tyson Lopez di Arikok a siña nan con pa pone un budget den otro y tambe a musta e participantenan e importancia di structuranan di gasto y ganashi. Rafeli Croes di KVK tambe a haci su presentacion y tur e teamnan participante a pasa den e tramite di habri nan propio negoshi.

Curtney Hart di Bushi Beard a duna varios ehempel di packaging y merchandising. Y por ultimo e studentenan a haci nan “loan pitch” na e huradonan cu mester a aproba nan peticion pa un financiamiento pa asina nan por logra completa nan producto.

Durante e evento final, tur team lo tin un pop up stand riba Plaza Daniel Leo den Caya G.F. Betico Croes. E teamnan lo ta ofreciendo nan producto na e pueblo di Aruba for di 10:00 di mainta te cu 4:00 di



atardi. Lo anuncia e ganadonan di proyecto di Good4theNeighborhood Building Entrepreneurs 3 pa 3:00 di atardi.

Un invitacion cordial ta bai pa

henter e comunidad di Aruba pa bin sostene nos participantenan di #G4N2019 diasabra awor for di nan pop up stand riba Plaza Daniel Leo.

Pueblo scogiendo masalmente pa miho servicio y miho maneho di desperdicio

Darwin Mathilda a cambia pa EcoTech for di 19 aña pasa

DARWIN Mathilda ta cliente di EcoTech pa 19 aña caba y ta contento di a haci e cambio pa uza nan servicio. El a bira cliente desde cu su yiu homber a nace. Tempo cu nan tabata cu e otro compania en-carga cu recogemento di desperdicio domestico, no tur ora nan tabata ricibi e servicio desea.

E ta corda ainda con pampers di baby tabata acumula hopi den e drum e tempo ey y ta cuminsa hole stinki. Riba un dia cu e tabata na trabou, Darwin Mathilda a mira un di e trucknan di EcoTech pasa. El a tuma e iniciativa di yama nan pa haya splicacion di prijs y servicio. Ey mes el a dicidi cu ta ora pa cambia y biba trankil.

Te cu e dia di awe, Darwin Mathilda ta super satisfecho cu EcoTech. Door di su experiencia, e ta recomenda tur hende cambia pa un compania cu bo por confia riba nan, cu nan ta brinda servicio manera mester ta. E ta recomenda tur hende pa app Mr. Bucket na 594-3757 pa cambia pa EcoTech.



EcoTech ta existi desde aña 1985 caba y ta traha 24 ora pa dia, 7 dia pa siman pa sirbi nan mas di 6 mil clientenan. Cu un ekipo di mas o menos 85 trahado, EcoTech ta responsabel pa mas di 60% di tur sushi di nos isla, di cual e mayoria comercial y awo creciendo tur dia den clientenan residencial. E compania ta conoci pa su servicio sin

igual y su vision innovativo y duradero pa maneha desperdicio riba nos isla. Nan plan pa cuminsa exporta RDF (Refuse Derived Fuel) - un combustile alternativo - a haya hopi acogida den comunidad, confirmando nan compromiso y deber civico cu comunidad pa yega na un solucion duradero pa nos medio ambiente.

Registra awo!

Manda bo e-mail na noticia@awemainta.com

Ricibi AWEMainta tur dia den bo inbox



www.awemainta.com



www.facebook.com/awemainta



583-1400



583-1444

Peticion pa yudansa di comunidad

WILLEMSTAD - Relacioná cu un caso di asesinato cu a tuma lugar 2 di april 2015, den un cas na Rio Magdalena, Polis ta pidi yudansa di comunidad.

Riba e dia en cuestion a haña e hòmer Frensis Pascual Sambre, nacé na Còrsou, di 90 aña di edad, morto den su kamber.

E hòmer víctima tabata mará riba su cama y su cara tabata tapá cu pida paña. Tambe Polis a tuma nota cu tur cos den su kamber tabata bentá abou.

Polis ta pidi cualkier persona cu por tin informacion y/of a mira, tende of sa algo di e caso aki pa pasa e informacion pa Polis.

Por tuma contacto cu Polis via di number di telefòn 866-6192, 917 òf 108 cu t'e number anónimo.

Yuda Polis p'asina por trece claridad mas pronto cu ta posibel den e caso aki. Hunto nos por haci nos pais mas sigur.

Detencion relaciona cu maltrato



WILLEMSTAD- Continuando cu un investigacion relaciona cu un caso di maltrato, cu a tuma lugá dia 12 di jùli 2019, na un establecimiento den área di Otrobanda, polis a detené un hòmer.

Diabierna 26 di juli 2019, alrededor di 07.15or di mainta, riba òrdo di Ministerio Público recherche a detené e hòmer G.A.N.de.F., nasé na Colombia di 35 aña di edad, como sospechoso den e caso ariba menciona.

A presentá e sospechoso dilanti di un Fiscal Auxiliar, cu a ordená su encarselamento pendiente di mas investigacion.

Detencion relaciona cu kiebro den cas y menasa



WILLEMSTRAD - Diabierna 26 di juli 2019, alrededor di 09.30 or, Polis a detené e hòmer sospechoso R.J.I. nasé na Còrsou di 56 aña di edad, relacioná cu dos caso; un kiebro den cas, kometé dia 29 mei 2019 y un caso di menasa cu a tuma lugá 2 di jùni 2019.

Detencion di e sospechoso aki, a tuma lugá den área di Zuit Popo.

A presentá e sospechoso dilanti di un Fiscal Auxiliar cu a ordená su encarselamento pendiente di mas investigacion.

Royal Aurora Funeral Home & Crematory

Mi Dios, Mi Señor, Mi Salvador
Cu Bo amor infinito tenemi den Bo braza
Ya no tin scuridad
Unicamente Bo Luz briyando

Cu dolor na nos curason pero conforme cu
boluntad di Dios, nos kier anuncia fayecimento di nos
difunto stima:



Maria Juliana Justina-Biezen

Mihor conoci como "Chia"
*31-01-1926 - †25-07-2019

Acto di entierro lo wordo anuncia despues

Royal Aurora Funeral Home & Crematory

Gradicimento y Invitacion

Pa medio di esaki famia kier a gradici tur esnan
cu na un manera of otro a duna nos sosten,
consuelo y forsa durante e tempo dificil cu
e fayecimento y entierro di nos defunto stima:



Antonia Veronica Bergrok-Quandus "Toña" of "Toñita"

Boso muestra di atencion ta di hopi aprecio y un gran
sosten pa nos. Un danki na un y tur cu a manda carchi y
a hasi yamada nan telefonico.
Un danki special ta bay na Dr. Essendaal, Grupo di coro
di Sta. Anna y Grupo Voice of Jesus, Max Hassell pa nan
bunita canticanan. Tambe na Aurora Funeral Home pa
cu su bon servicio y atencion.
Boso muestra di atencion tabata un gran Consuelo pa
nos.

Na mes momento nos ta invita famia, bisiña-, amigo- y
conocerinan
pa compaña nos na 3 Santo Sacrificio di Misa na misa
diasabra 27 di juli pa 7'or pm, dialuna 29 di juli y
diaranson 31 di juli pa 6.30 pm na msa Sta Anna na
Noord. Diaranson 31 di juli 2019 despues di ultimo misa
lo tin un Santo Rosario na cas Boegoeroei # 70 pa
descanso di su alma.

Boso presencia ta altamente aprecia.

Royal Aurora Funeral Home & Crematory

"Mi ta halsa mi wowonan na e seronan; for di unda mi yudansa
lo bin?

Mi yudansa ta bin di Señor cu a crea shelo y tera."
Danny a lucha e bon lucha, y el a termina su careda y a warda e
fe".

Salmo 121:1 y Timoteo 4:7.

Yiu di Richard y Marie Rose Sildora "Ma Claire" Dumfries, nos
ruman, tata, omo, amigo y ex colega di dr. Horacio Oduber
Hospital y di Directie Volksgezondheid
departamento Landslaboratorium y ex Chef Pathologie y ex
Presidente di ASU a fayece.



Adolf Denis Dumfries

mihor conoci como "Danny"

*04-03-1955 - † 22-07-2019

Yuinan: Danique y Clairyce "Claire" Dumfries
Ruman homber: Jean y Albertina Dumfries-Dos Ramos
Natalie, Winston y Juliette; Moises; Ilidio, Elaijah y Xavi
Ruman homber: Samuel Dumfries y Winifred Kaarsbaan

Ohmar-Richard, Risah-Samantha, Pearl Marie-Claire y Romano
Ruman muheran: Evelin-Pierre Dumfries, Swinda Dumfries,
Mildred Lobbrecht-Dumfries
† Astrid Dumfries y † Marlene Dumfries

Tanta stimá Melimene Jules

Ex-esposa: Monique Priem y su mama MaDini Priem

Mama di su yunan: Monique Kunz

Famianan na Aruba, Hulanda, Denemarken, Haïti, Surnam y Merca:
Dumfries, Jules, Bijlhout, Beyde, Brice, Paillant, Lobbrecht, Vriesde,
Tuur, Kensemil, Arnhem, Blokland, Douglas, Searchwell, Milton,
Hoogdorp-Ashby, Hoogvliets, Tjie-A-Loi, Evans, Marsdin, Woodley,
Pierre, Forster y Priem.

Primo y primanan cu lasonan fuerte:

Dirk, Lucienne, Marc, Junette, Jozef, Gladys y Urmy.

Amigonan y sosten enorme pa Danny:

Irving Wanga, Roy Ramadhin, Ramiro Wanga, dr. Johnny Croes, dr.
Greg Lacle, Buchi Lacle, Gedion Isena y famia, Reuben Craigg y
famia, Shirley Hoogvliets, Sergio Tjie-A-Loi, Louis Dorismond, dr.
Benita Britt-Croes, dr. Joan van Heyningen, Yolanda Lacle, Yamilet &
Frantzia Alzate, Cime Texeir-Oliveira, Arnold Solognier, Alphonso
Dania, Jacquelyn y Sheila Franken; Leticia Tromp, Margareth, Myrna
y Mayra Orman, Priscilla Lalmahomed, amigonan di Plaza
Bookshop y Van Dorp y boticanan.

Famia: Goedhoop, Beeldsnijder, Loefstok, Veldboom, Paesch,
Gravenstijn, Toppenberg, Phillips-Sluer, Laing.

Un danki special na: dr. Greg Lacle, dr. Keuters y su ekipo medico
completo y e enfermeranan di e departamanto Neurologie, Giselle
Escalona, dr. Hermans, Edmund Harms Foundation, empleadonan
di Wit Gele Kruis, Los Años Dorados, Stichting de Hoop, Faith and
Hope Transport, , amigo y guia Richard Brooks, Lisette Ignacio,
Cecilia Howell, Marciano, Withney Thomson, dr. Kenneth Croes y
tambe e comunidad completo di Evangelische Broedergemeente
(EBG) y su ex coleganan.

Nos ta invita tur bisiñanan, amigonan di Dakota y San Barbola, su
ex- coleganan, amigonan di ASU, Pensionadonan Uni, ex-
amigonan politico y tur hende cu di un of otro manera a conoce
Danny, pa ta presente na e acto di despedida y ceremonia di
entierro.

Nos kier recorda Danny cu gratitud.

E oportunidad pa duna condolencia lo ta ariba diabierna 26 di juli
2019 for di 18.30-21.00 or na Royal Funeral Home, Cumana 44.

E ceremonia di entierro lo ta ariba diasabra 27 di juli 2019 for di
13.30-16.00 or na Royal Funeral Home. E sirbishi lo cuminsa di 15.15
-16.00 or.

Despues di esaki nos lo hiba nos difunto Danny na su ultimo lugar
di descanso na Sabana Basora.

Lo tin un box disponibel pa un bon causa.

Nos ta disculpa nos cu despues di entierro nos no por ricibi bishita
di condolencia na cas.

Royal Aurora Funeral Home & Crematory

"Senor lo caba cu morto a semper, l'E lo seca lagrima for
di wowo di tur hende" Isaías 25:8

A parti for di nos, nos casa, tata, welo, bisawelo:



ILIBERTO MADURO

* 03 januari 1930 – †25 juli 2019

Dia di Condolencia na cas: Macuarima 40, diadomingo
28 di juli 2019 di 6:00 pm – 8:00 pm.

Dialuna 29 di juli 2019, na Royal Funeral, di: 7:00 pm –
9:00 pm

Acto di entierro lo wordo anuncia despues

Royal Aurora Funeral Home & Crematory

"Señor ta mi wardador, mi'ntin falta di nada
Den cunucu di yerba berde e taponemisosega.

E tahibami na awatrankil,
Pamibolbeñafora".

Salmo: 23

Nos ta anuncia fayecimento di:



Jose Francisco Franken

*24-07-1948 - †23-07-2019

Nanomber di su:

Rumannan: Thomas y Lola y famia
Victoriano y Ilvia y famia
Martin y yunan
Seferino y Odalis y famia
Pina y yunan
Alex, Mariska y yunan
Marco y yunan
Glenda, Jean Marc y yiu

Sobrino y sobrinanan

Demasfamia: Franken, Farro, Kelly de Cuba, Rodriguez,
Tans, Kock, Hese, Pontilius, Leest, Tromp, Danja, Ruiz

Si acaso den nos momento di tristesa nos alubida un
number nos disculpa.

Ta invita pa e acto di condolecia y despedida cu lo tuma
lugar diasabra 27 di juli 2019 di 9'or pa 11'or di mainta,
sigipa cremación cu lo tuma lugar den seno familiar.

ZVK a reducí lista di espera pa MRI-scan den 4 siman na sero



KRALENDIJK. – Oficina di Cuido Médico BES (ZVK) a eliminá e lista di espera pa MRI-scan na Bonaire den 4 siman. Tabatin 120 asegurado riba e lista debí cu e scan na Aruba a dañá. Pa un solucion temporal, ZVK a asercá Clínica Iberoamérica na Baranquilla, Colombia.

Na cuminsamentu di jüni último, e lista pa MRI-scan na Bonaire a aumentá te na 120 asegurado. A evaluá un tèst pa transporte médico pa Clínica Iberoamérica positivamente. Seguidamente den e di tres siman di jüni a cuminsá baha e retraso cu 1 pa 2 buelo pa siman.

30 ORA INCLUYENDO HOTÈL CONFORTABEL

Aseguradonan a reaccioná positivamente y ta experienciá e biahe médico como bon cuido, sigur y confortabel.

E biahe médico pa bay y bin bèk ta dura aproximadamente 30 ora (salida 9 or di mainta, regresá 2:30 di atardi e siguiente dia). E estadia ta den un hotèl banda di Clínica Iberoamérica.

P'e buelonan ZVK ta charter avionnan di Sarpa cu tin un capacidad di 20 pa 22 pasahero.

E buelo ta dura alrededor di 1 ora y 40 minüt. Sarpa tin un enfermera abordo y tambe tin un trahador di ZVK pa guia práctico.

E MRI-scan ta cuminsá directamente despues di yegada na hotèl. Ta guia aseguradonan pa y for di e clínica.

Aseguradonan por warda den tur tranquilidad den kamber di hotèl òf den lòbby. Tin television y wifi disponibel y aseguradonan ta ricibí desayuno, almuerzo y cena.

CALIDAD CONSOLIDÁ, GASTO REDUCÍ

Den 2019 ZVK a haña e tarea pa revisá gastonan di forma crítico, manteniendo e calidad di cuido y caminda por mehorá esaki. E solucion cu a haña pa aseguradonan di Bonaire pa cu MRI-scan, a resultá di ta di bon calidad y hasta ta costa ménos. ZVK ta satisfecho cu esaki.



Gradicimento y Invitacion

Pa medio di esaki famia kier a gradisi tur esnan cu na un of otro manera a duna nos sosten, consuelo i palabranan di forsa durante e tempo difisil cu e fayecimento Y entiero di nos difunto stima:



Sra. Tomasa (Toma) Kelly-Lopez

Danki tambe na e servicio hopi amable di e trahadornan di Aurora Funeral Home.

Alabes nos kier a invita tur famia, bisiña, amigonan i tur conocirnan pa 2 Santo Sacrificio di Misa, na Misa Santa Anna na Noord, Diasabra juli 26 pa 7:00 pm Diadomingo 27 di juli 2019 pa 6:00 pm



The smile on my face
doesn't mean
my life is perfect.
It means I appreciate
what I have
and what
GOD
has blessed me with.

A fayecena Bogota Colombia:



Milangelo Xavier Tromp

*05-08-1970 - †18-07-2019

Acto di entiero lo wordo anuncia despues.



Fundacion Pa Nos Muchanan tin e tristo deber di
anuncia fayecimento di :

Sr. Adolf Denis Dumfries

Na bida, ruman di Miembro di Directiva di FPNM

Sra. Swinda Dumfries

Den nomber di Directiva y Personal di FPNM nos mas
sincero condolencia na henter famia.



E unico corant GRATIS



Abona awo

Manda un e-mail na:

Noticia@awemainta.com

y skirbi e palabranan: *"Ami Kier Abona"*

Like nos riba facebook

Keda "up to date" y like nos riba facebook
www.facebook.com/awemainta



Subi riba nos website

www.awemainta.com

AWEMainta completamente

DIGITAL